



S'näggscht Eidgenössische, Schwingerfescht
kunnt nach Baasel, daasch dr Besch
do chömme den Männer, so richtig haarti
dr Minu meint sicher, s git e Swinger-Phaarti

Wenn me an Terrorismus dänggt
do wird überfaare und au gspränggt
mir zwäi sind ganz friidligi Daame
wenn mir spränge, spränge mir nur dr Raame

In Baasel, im Milieu, isch jetz markiert
wo sich e Drottwaaramsle, platziert
isch klar, uff em Hoof, dass es anders goht
do isch markiert, wo dr Muni stoht

Bim boschte, liid iich immer Gwaale
muess füür Säggli, fünf Rappe zaale
dehäim bin iich no schlimmer draa
mii alte Sagg, wot niemer graatis haa

Küürzlig verzellt mir doch mii Maa
bi de Schugger kasch graatis, Zytshalter haa
so n'e Zytshalter isch doch sicher dr Hit
zem schalte zwüsche Summer- und Winterzit

S'isch billiger als Taxi, aber nit ganz suuber
e Chauffeur-Dienscht, bekannt als Uber
wotsch denn aber no mee spaare
denn gits nur ains, e Schugger-Kaare

Vegan, biologisch, laktosefrei
und kai Gluten, dr letschti Schrei
wäär so lääbt däm ka's bassiere
duet me am Änd denn komposchtiere

Är suecht und fluecht, unsere Gnächt
unsere Gülle-Waage, wo isch dä ächt
sii het en versteggt, verzellt unseri Maagd
will dr Erdogan, Gülen-Aahänger jaagd

Uff dr Donald Trump, do sind mir stolz
mir sind glaub uss em gliiche Holz
sini Frisuur, das isch e Gnuss
gseht wie s'Ändi, vomene Kueschwanz uss

Wotsch au by uns bänggle?
Uff www.vsg-basel.ch erfahrsch meh!

